



Broj: 05-02-1-3269/15
Sarajevo, 15.2.2016. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		16-02-2016	
Šifra	Priloga	Redni broj	Broj priloge
01	02	02	1-37/15

H

PARLAMENTARNA SKUPŠTINA BiH

- Predstavnički dom -

- Dom naroda -

SARAJEVO


PREDMET: Prijedlog zakona o dopunama Zakona o
odlikovanjima Bosne i Hercegovine, dostavlja se

V e z a: Vaš akt broj: 01,02-02-1-37/15 od 30.12.2015. godine

Vezano za vaše akte, gornih oznaka i datuma, u prilogu dostavljamo Prijedlog zakona o dopunama Zakona o odlikovanjima Bosne i Hercegovine na bosanskom, hrvatskom i srpskom jeziku.

Istodobno dostavljamo i tražena mišljenja, pregled odredaba Zakona o odlikovanjima Bosne i Hercegovine koji se dopunjavaju, neslužbenu verziju prečišćenog teksta, kao i elektronsku verziju Prijedloga zakona.

S poštovanjem,


GENERALNI TAJNIK
Zvonimir Kutleša

PRIJEDLOG

Temeljem članka IV 4.a) Ustava Bosne i Hercegovine, Parlamentarna skupština Bosne i Hercegovine, na ____sjednici Predstavničkog doma, održanoj _____. 2016. godine i na ____sjednici Doma naroda, održanoj _____. 2016.godine, usvojila je

ZAKON O DOPUNAMA ZAKONA O ODLIČJIMA BOSNE I HERCEGOVINE

Članak 1.

U Zakonu o odličjima Bosne i Hercegovine („Službeni glasnik BiH“, broj: 21/03,), u članku 8. iza točke 7. dodaje se nova točka 8. koja glasi:

„- *Orden srebrnog grba Bosne i Hercegovine sa mačevima*“.

Članak 2.

U članku 9. iza točke 6. dodaje se nova točka 7. koja glasi:

„7. *Orden srebrnog grba Bosne i Hercegovine sa mačevima dodjeljuje se vojnim osobama iz zemlje za ispoljenu izuzetnu hrabrost i požrtvovanje u pružanju pomoći u prirodnim, tehničkim i drugim katastrofama.*“

Članak 3.

„Ovaj zakon stupa na snagu osmog dana od dana objavljivanja u „Službenom glasniku BiH“.

PS BiH, broj: ____
Sarajevo _____. 2016. godine

Predsjedatelj
Predstavničkog doma
Parlamentarne skupštine BiH

Predsjedatelj
Doma naroda
Parlamentarne skupštine

OBRAZLOŽENJE:

1. USTAVNI TEMELJ ZA DONOŠENJE DOPUNA ZAKONA

Ustavni temelj za donošenje Zakona o dopunama Zakona o odličjima Bosne i Hercegovine sadržan je u odredbi članka IV 4.a) Ustava Bosne i Hercegovine, kojim je propisano da će Parlamentarna skupština biti nadležna za donošenje zakona koji su potrebni za provedbu odluka Predsjedništva ili vršenje funkcije Skupštine po ovom Ustavu, te ostala pitanja koja su potrebna da se provedu njene dužnosti, ili koja su joj dodijeljena zajedničkim sporazumom entiteta.

2. RAZLOZI ZA DONOŠENJE ZAKONA

Člankom 127. stavak (1) Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 57/03, 59/09, 74/10 i 42/12) predviđena je, pored nagrada i pohvala, mogućnost da se vojnim osobama, za izuzetnu hrabrost i osobit uspjeh postignut na službi u postrojbama, zapovjedništvima i ustanovama, dodjeljuju i odličja. Člankom 129. istoga zakona regulirano je da se odličja propisuju posebnim zakonom, a nagrade i pohvale propisom koji donosi ministar obrane.

Zakonom o odličjima Bosne i Hercegovine predviđeno je jedno odličje koje se dodjeljuje prvenstveno vojnim osobama – „*Orden zlatnog grba Bosne i Hercegovine s mačevima*“ - koje dodjeljuje Predsjedništvo BiH za osobite zasluge u obrani zemlje, učvršćenju mira, stabilizacije i vojne suradnje u zemlji i regionu.

U prethodnom razdoblju bili smo svjedoci zavidnih rezultata koje su ostvarili pripadnici Ministarstva obrane i Oružanih snaga Bosne i Hercegovine u realizaciji protuminskih akcija, u spašavanju ljudi i dobara sa područja zahvaćenih prirodnom nesrećom i uništenju neeksplodiranih ubojitih sredstava.

U cilju promicanja sustava nagrađivanja i veće stimulacije za sudjelovanje pripadnika Oružanih snaga BiH u spašavanju ljudi i dobara sa područja zahvaćenih prirodnom nesrećom, tehničkom ili drugom katastrofom, te pozitivnih ekonomskih učinaka, što predstavlja dio zadaća iz misije Oružanih snaga Bosne i Hercegovine, Zakonom o dopunama Zakona o odličjima Bosne i Hercegovine se uvodi novo odličje, a to je „*Orden srebrnog grba Bosne i Hercegovine s mačevima*“, koje bi se dodjeljivalo osobama koje postižu izvanredne rezultate u izvršenju narečenih zadaća.

Cilj predložene dopune Zakona o odličjima Bosne i Hercegovine leži u intenciji Ministarstva obrane BiH da se pojedincima, pripadnicima Oružanih snaga BiH, oda priznanje za ispoljenu osobnu hrabrost i poštovanje u spašavanju ljudi i dobara sa područja zahvaćenih prirodnom, tehničkom ili drugom nesrećom ili katastrofom, kao i u realizaciji protuminskih akcija i uništenju neeksplodiranih ubojitih sredstava.

3. OBRAZLOŽENJE TEMELJNIH PRAVNIH RJEŠENJA

Članak 1.

Zakonom o odličjima Bosne i Hercegovine, u članku 8. definirane su vrste odličja. Ovom dopunom se predviđa uvođenje još jedne vrste odličja, a to je „Orden srebrnog grba Bosne i Hercegovine s mačevima.“

Članak 2.

Dosadašnjim člankom 9. Zakona o odličjima Bosne i Hercegovine definirani su uvjeti za dodjeljivanje odličja. Dodavanjem nove točke 7. u istome članku se preciziraju uvjeti za dodjelu „Ordena srebrnog grba Bosne i Hercegovine s mačevima“.

Članak 3.

Kao i odredba članka 26. Zakona o odličjima, precizira se da Zakon o dopunama Zakona o odličjima Bosne i Hercegovine stupa na snagu osmog dana od dana objavljivanja u "Službenom glasniku BiH".

4. USKLAĐENOST SA MEĐUNARODNIM OBVEZAMA

Predložene dopune Zakona o odličjima nisu u suprotnosti sa međunarodnim obvezama Bosne i Hercegovine.

5. NAČELA NA KOJIMA JE PRIJEDLOG ZAKONA UTEMELJEN

Prijedlog Zakona o dopunama Zakona o odličjima BiH utemeljen je na načelu zakonitosti u smislu da jasno propisuje nadležnost organa za dodjeljivanje odličja, vrstu odličja, uvjete za dodjeljivanje i kategoriju osoba kojima se novo odličje dodjeljuje. Predložena dopuna je takođe utemeljena na načelu jednakih mogućnosti u smislu da omogućava dodjelu odličja vojnim osobama koji prema ranijim zakonskim odredbama nisu prepoznati kao zasebna kategorija i ako po svojoj ulozi i zaslugama, što je praksa pokazala, u društvenoj zajednici zavrijeđuju posebno priznanje. Pored navedenog, predloženi zakon utemeljen je na načelima ekonomičnosti, transparentnosti i javnosti jer omogućava da se provodi uz izdvajanje neznatnih finansijskih sredstava sa transparentan i javan način.

6. PROSUDBA FINANSIJSKIH SREDSTAVA POTREBITIH ZA PROVEDBU ZAKONA

U odnosu na dosadašnju praksu, provedba ovoga zakona ne bi iziskivala značajna finansijska sredstva. Prosudba finansijskih sredstava se radi temeljem planirane dodjele 1-2 ovakva priznanja na godišnjem temelju, što bi iziskivalo neznatna finansijska sredstva za izradu istih u visini od oko 50-70 KM. Pomenuta finansijska sredstva za izvršenje ovoga zakona bi se osiguravala kroz proračun MO BiH.

Dodjelom ordena pojedincima bi, kroz benefite koje to odličje donosi u njihovoj karijeri, bilo vrednovano njihovo zalaganje u izvršenju zadaća, čime bi se postigli znatno bolji učinci u radu, uz istodobno smanjenje troškova koje bi iziskivale novčane nagrade.

PREGLED
ODREDABA KOJE SE DOPUNJAVAJU
U
ZAKONU O ODLIKOVANJIMA BOSNE I HERCEGOVINE
(„Službeni glasnik BiH“ broj: 21/03)

Član 8.

Odlikovanja su:

- Orden slobode,
- Orden mira,
- Orden Bosne i Hercegovine,
- Orden zlatnog grba Bosne i Hercegovine s mačevima,
- Orden zlatnog grba Bosne i Hercegovine s lentom,
- Orden Bosne i Hercegovine sa zlatnim vijencem,
- Orden Bosne i Hercegovine sasrebrnim vijencem.

Član 9

Ordeni iz člana 8. ovog zakona dodjeljuju se i to:

1. Orden slobode dodjeljuje se za posebne zasluge u ostvarivanju slobode i ljudskih prava, za razvijanje razumijevanja i povjerenja među građanima i narodima, kao i za zasluge u izgradnji demokratskih odnosa.
2. Orden mira dodjeljuje se za naročite zasluge u razvijanju međunarodnih odnosa između Bosne i Hercegovine i drugih država kao i za istaknute zasluge u razvijanju i učvršćivanju miroljubive saradnje i prijateljskih odnosa Bosne i Hercegovine i drugih država.
3. Orden Bosne i Hercegovine dodjeljuje se za zasluge u razvijanju i učvršćivanju međunarodne političke, ekonomske, naučne, kulturne i druge saradnje između Bosne i Hercegovine i drugih država i međunarodnih organizacija. Ovaj orden dodjeljuje se i najistaknutijim ličnostima za izvanredne zasluge za razvijanje i jačanje svijesti građana i naroda u borbi za slobodu i nezavisnost.

4. Orden zlatnog grba Bosne i Hercegovine s mačevima dodjeljuje se prvenstveno vojnim licima iz zemlje i inozemstva za naročite zaslugе u odbrani zemlje, učvršćivanju mira, stabilizacije i vojne saradnje u zemlji i regionu.

5. Orden zlatnog grba Bosne i Hercegovine s lentom dodjeljuje se najistaknutijim ličnostima za izvanredne zaslugе u razvijanju prijateljskih odnosa i saradnje Bosne i Hercegovine i drugih država i međunarodnih organizacija, kao i izvanredan doprinos u razvoju Bosne i Hercegovine.

6. Orden Bosne i Hercegovine sa zlatnim vijencem i orden Bosne i Hercegovine sa srebrenim vijencem dodjeljuje se za posebne zaslugе u razvoju privrede, obrazovanja, nauke, kulture, sporta, informiranja i drugih djelatnosti od značaja za razvoj zemlje i njenih građana i naroda.

(Prečišćeni tekst: boldirani tekst označava predložene dopune zakona)

ZAKON O ODLIKOVANJIMA BOSNE I HERCEGOVINE

I - OPĆE ODREDBE

Član 1.

Odlikovanja Bosne i Hercegovine su društvena i javna priznanja, koja se dodjeljuju za poseban doprinos u ostvarivanju ljudskih prava i sloboda, za izgradnju demokratskih odnosa, mira i stabilizacije, razvoja međunarodne saradnje Bosne i Hercegovine s drugim državama i međunarodnim organizacijama te kulturnog, ekonomskog i svakog drugog napretka naroda i građana Bosne i Hercegovine.

Član 2.

Odlikovanja Bosne i Hercegovine (u daljem tekstu: odlikovanja) su ordeni.

Član 3.

Odlikovati se mogu građani Bosne i Hercegovine, privredna društva, državne institucije i druga pravna lica te vladine i nevladine organizacije.

Odlikovati se mogu i strani državljani, inozemne i međunarodne organizacije i institucije.

Fizička lica mogu se odlikovati i posmrtno.

Član 4.

Odlikovanja dodjeljuje Predsjedništvo Bosne i Hercegovine (u daljem tekstu: Predsjedništvo).

Član 5.

Izrada, promet i nošenje značaka i drugih predmeta koji imaju oblik i izgled odlikovanja nisu dozvoljeni.

Za potrebe muzeja i sličnih ustanova a radi njegovanja vrijednosti tradicije, mogu se izuzetno, po odobrenju Predsjedništva ili institucije koju ono ovlasti, izrađivati imitacije ili makete odlikovanja Bosne i Hercegovine.

Član 6.

Odlikovanja se mogu izrađivati i nositi u smanjenim dimenzijama (minijatura odlikovanja).

Član 7.

Nadzor nad izradom odlikovanja i davanje ovlaštenja za izradu odlikovanja vrši Ministarstvo civilnih poslova i komunikacija, a u saradnji s Ministarstvom vanjskih poslova za odlikovanja stranih državljana.

II - ODLIKOVANJA

Član 8.

Odlikovanja su:

- Orden slobode,
 - Orden mira,
 - Orden Bosne i Hercegovine,
 - Orden zlatnog grba Bosne i Hercegovine s mačevima,
 - Orden zlatnog grba Bosne i Hercegovine s lentom,
 - Orden Bosne i Hercegovine sa zlatnim vijencem,
 - Orden Bosne i Hercegovine sa srebrenim vijencem.
- „- Orden srebrnog grba Bosne i Hercegovine sa mačevima“.***

Član 9.

Ordeni iz člana 8. ovog zakona dodjeljuju se i to:

1. Orden slobode dodjeljuje se za posebne zasluge u ostvarivanju slobode i ljudskih prava, za razvijanje razumijevanja i povjerenja među građanima i narodima, kao i za zasluge u izgradnji demokratskih odnosa.
2. Orden mira dodjeljuje se za naročite zasluge u razvijanju međunarodnih odnosa između Bosne i Hercegovine i drugih država kao i za istaknute zasluge u razvijanju i učvršćivanju miroljubive saradnje i prijateljskih odnosa Bosne i Hercegovine i drugih država.
3. Orden Bosne i Hercegovine dodjeljuje se za zasluge u razvijanju i učvršćivanju međunarodne političke, ekonomske, naučne, kulturne i druge saradnje između Bosne i Hercegovine i drugih država i međunarodnih organizacija. Ovaj orden dodjeljuje se i najistaknutijim ličnostima za izvanredne zasluge za razvijanje i jačanje svijesti građana i naroda u borbi za slobodu i nezavisnost.

4. Orden zlatnog grba Bosne i Hercegovine s mačevima dodjeljuje se prvenstveno vojnim licima iz zemlje i inozemstva za naročite zasluge u odbrani zemlje, učvršćivanju mira, stabilizacije i vojne saradnje u zemlji i regionu.

5. Orden zlatnog grba Bosne i Hercegovine s lentom dodjeljuje se najistaknutijim ličnostima za izvanredne zasluge u razvijanju prijateljskih odnosa i saradnje Bosne i Hercegovine i drugih država i međunarodnih organizacija, kao i izvanredan doprinos u razvoju Bosne i Hercegovine.

6. Orden Bosne i Hercegovine sa zlatnim vijencem i orden Bosne i Hercegovine sa srebrenim vijencem dodjeljuje se za posebne zasluge u razvoju privrede, obrazovanja, nauke, kulture, sporta, informiranja i drugih djelatnosti od značaja za razvoj zemlje i njenih građana i naroda.

„7. Orden srebrnog grba Bosne i Hercegovine sa mačevima dodjeljuje se vojnim licima iz zemlje za ispoljenu izuzetnu hrabrost i poštovanje u pružanju pomoći u prirodnim, tehničkim i drugim katastrofama.“

Član 10.

Oblik odlikovanja i njegove minijature, kao i način dodjeljivanja odlikovanja i njegovog nošenja propisat će se aktom Predsjedništva.

Akt o pitanjima iz stava 1. ovog člana Predsjedništvo će donijeti u roku od 30 dana od dana stupanja na snagu ovog zakona.

Član 11.

Evidenciju odlikovanja vodi nadležna služba Predsjedništva.

III - NADLEŽNOST

Član 12.

Inicijativu za dodjelu odlikovanja mogu dati građani, privredna društva, državne institucije i druga pravna lica.

Prijedlog za odlikovanja Predsjedništvu naročito mogu podnijeti: članovi Predsjedništva, poslanici/delegati oba doma Parlamentarne skupštine Bosne i Hercegovine, Vijeće ministara Bosne i Hercegovine, Ministarstvo vanjskih poslova za strance i predstavnike drugih država i međunarodnih organizacija, Stalni komitet za vojna pitanja za vojna odlikovanja i druge institucije Bosne i Hercegovine, Parlament Federacije Bosne i Hercegovine, Narodna skupština Republike Srpske i predsjednici i vlade entiteta.

IV - PRAVA I DUŽNOSTI ODLIKOVANIH

Član 13.

Odlikovanim licima, privrednim društvima, državnim institucijama i drugim pravnim licima i vladinim i nevladinim organizacijama nadležno tijelo Predsjedništva izdat će uvjerenje o odlikovanju.

Član 14.

Dodijeljeno odlikovanje može nositi samo odlikovano lice.

Nošenje dodijeljenog odlikovanja je čast i moralna obaveza odlikovanog lica u vrijeme držanih praznika, jubileja i u drugim svečanim prilikama.

Odlikovano lice dužno je nositi odlikovanje na odgovarajućem mjestu i na način dostojan zasluga za koje mu je odlikovanje dodijeljeno.

Odlikovana privredna društva, državne institucije i druga pravna lica kao i vladine i nevladine organizacije, osiguravaju uvjete da se odlikovanja izlažu na odgovarajućem mjestu i na način dostojan zasluga za koje su im odlikovanja dodijeljena.

Član 15.

Promet odlikovanja nije dozvoljen.

Odlikovanje posmrtno odlikovanog lica i odlikovanje koje odlikovanom licu nije predato za života, kao i uvjerenja o odlikovanju, predaju se članovima njegove uže porodice. Kao članovi uže porodice, u smislu ovog zakona, smatraju se braćni drug, djeca, unuci, roditelji, braća i sestre odlikovanog lica.

Poslije smrti odlikovanog lica, odnosno prestanka privrednog društva, državne institucije i drugog pravnog lica, dodijeljeno odlikovanje preuzimaju članovi uže porodice odlikovanog lica, odnosno pravni sljednik privrednog društva, institucije ili drugog pravnog lica.

Odlikovanje odlikovanog lica koje nije u životu, odnosno odlikovanog privrednog društva ili drugog pravnog lica, koje je prestalo postojati, može se, uz pristanak članova uže porodice odlikovanog lica, odnosno pravnih sljednika odlikovanog privrednog društva ili drugog pravnog lica, predati na čuvanje i korištenje muzejima i sličnim ustanovama.

Odlikovanje i uvjerenja o odlikovanju vraćaju se Sekretarijatu Predsjedništva, ako ni članovi porodice odlikovanog lica nisu živi, odnosno ako nema pravnih sljednika odlikovanog privrednog društva i drugog pravnog lica.

Odlikovanja koja su, u smislu stava 5. ovog člana, vraćena Sekretarijatu mogu se, na osnovu odluke Predsjedništva, predati na čuvanje i korištenje muzejima i drugim sličnim ustanovama.

Član 16.

Građanin, privredna društva, državne institucije i druga pravna lica i vladine i nevladine organizacije koje su odlikovane mogu biti ponovo odlikovani istim odlikovanjem.

Odlikovana lica odlikovanja nose na način propisan aktom Predsjedništva iz člana 10. ovog zakona.

Član 17.

Na zahtjev odlikovanog lica koje izgubi odlikovanje, Sekretarijat Predsjedništva izdat će, na osnovu raspoloživih službenih podataka o odlikovanju, novo odlikovanje uz odgovarajuću naknadu.

Iznos naknade za ponovno izdavanje pojedinih odlikovanja određuje Predsjedništvo svojom odlukom.

Ako se izgubi uvjerenje, na zahtjev zainteresiranog lica, izdat će se, uz predložene dokaze da je izgubljeni dokument oglašen nevažećim, duplikat uvjerenja.

V - ODUZIMANJE ODLIKOVANJA

Član 18.

Predsjedništvo BiH može odlučiti da nastupi pravna posljedica oduzimanja odlikovanja ako je odlikovano lice učinilo teško krivično djelo.

Član 19.

Predsjedništvo može odlučiti da ne nastupi pravna posljedica oduzimanja odlikovanja iako je nastupio slučaj iz člana 18. ovog zakona.

Član 20.

Dodijeljeno odlikovanje može se oduzeti i odlukom Predsjedništva ako odlikovano lice izgubi državljanstvo Bosne i Hercegovine.

Tijelo nadležno za oduzimanje državljanstva Bosne i Hercegovine obavijestit će nadležno tijelo Predsjedništva o svakom slučaju oduzimanja državljanstva Bosne i Hercegovine.

Oduzeto odlikovanje vraća se nadležnom tijelu Predsjedništva.

VI - KAZNE NE ODREDBE

Član 21.

Novčanom kaznom od 3.000 KM do 20.000 KM kaznit će se za privredni prijestup privredno društvo ili drugo pravno lice ako neovlašteno izrađuje ili stavlja u promet značke ili druge predmete koji imaju oblik ili izgled odlikovanja.

Za radnje iz stava 1. ovog člana kaznit će se za privredni prijestup i odgovorno lice u privrednom društvu i drugom pravnom licu novčanom kaznom od 1.000 KM do 5.000 KM.

Član 22.

Novčanom kaznom od 1.000 KM do 10.000 KM kaznit će se za prekršaje privredno društvo ili drugo pravno lice ako na nedoličan način upotrijebi ili na drugi način koristi odlikovanje ili uvjerenje o odlikovanju.

Za radnje iz stava 1. ovog člana kaznit će se i odgovorno lice u privrednom društvu i drugom pravnom licu novčanom kaznom od 1.000 KM do 2.000 KM.

Član 23.

Novčanom kaznom od 1.000 KM do 5.000 KM kaznit će se lice:

1. ako na uvredljiv način pokuša skinuti ili skine odlikovanje nosiocu odlikovanja;
2. ako odlikovanje nosi na nedoličan način;
3. ako neovlašteno nosi odlikovanje.

VII - ZAVRŠNE ODREDBE

Član 24.

Sva lica kojima je dodijeljeno odlikovanje prema Zakonu o odlikovanjima Republike Bosne i Hercegovine ("Službeni list RBiH", br.9/94 i 13/94) zadržavaju stečena priznanja, ako ovim zakonom nije drugačije određeno.

Član 25.

Danom stupanja na snagu ovog zakona prestaje primjena Zakona o odlikovanjima Republike Bosne i Hercegovine ("Službeni list RBiH", br. 9/94 i 13/94).

Član 26.

Ovaj zakon stupa na snagu osmog dana od dana objavljivanja u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.



Broj: 05-02-2-6458-4/15
Sarajevo, 10.11.2015. godine

PRIMLJENO 17.11.2015	
Grupa za klasifikaciju	Radni broj
10	
Broj priloga	

BOSNA I HERCEGOVINA
Ministarstvo obrane

Predmet: Mišljenje na nacrt Zakona o dopunama Zakona o odlikovanjima Bosne i Hercegovine.

Veza: vaš akt broj 10-02-1-2829-2/15 od 27.8.2015. godine

U vezi s vašim dopisom, broj naveden u vezi, a kojim se traži mišljenje na nacrt Zakona o dopunama Zakona o odlikovanjima Bosne i Hercegovine, sukladno odredbama članka 31. pod c). Poslovnika o radu Vijeća ministara Bosne i Hercegovine („Službeni glasnik BiH“, broj 22/03), dajemo


MIŠLJENJE

1. Ministarstvo obrane Bosne i Hercegovine, aktom navedenim u vezi, dostavilo je Ministarstvu financija i trezora Bosne i Hercegovine nacrt Zakona o dopunama Zakona o odlikovanjima Bosne i Hercegovine, kojim se u Zakonu o odlikovanjima Bosne i Hercegovine („Službeni glasnik BiH“, broj 21/03) dopunjuju čl. 8. i 9.
2. Ministarstvo financija i trezora Bosne i Hercegovine razmotrilo je predmetni zakon i obrazloženje dostavljeno u privitku akta navedenog u vezi te konstatiralo da je u djelu obrazloženja, pod točkom 4. Procjena finansijskih sredstava potrebnih za provedbu Zakona, navedeno da u odnosu na dosadašnju praksu provedbe ovog Zakona ne bi iziskivalo značajna finansijska sredstva, te da se procjena finansijskih sredstava radi temeljem planirane dodjele 1-2 ovakva priznanja na godišnjoj razini što bi iziskivalo neznatna finansijska sredstva za izradu istih u visini od oko 50-70KM, za šta bi sredstva osiguravala kroz proračun Ministarstva obrane Bosne i Hercegovine. Dodjelom ordena pojedincima bi, kroz benefite koje to odlikovanje donosi, u njihovoj karijeri bilo vrednovano njihovo zalaganje u izvršenju zadataka, čime bi se postigli znatno bolji efekti u radu uz istodobno umanjeње troškova koje bi iziskivale novčane nagrade
3. Slijedom obrazloženog finansijskog aspekta opisanim u točki 2 ovog mišljenja, uz uvjet da se finansijska sredstva za aktivnosti priznaše iz predmetnog Zakona osiguraju iz već odobrenih sredstava Ministarstva obrane Bosne i Hercegovine, te uz napomenu da usvajanje predmetnog Zakona neće biti osnova za zahtjevom za povećanje proračunskih sredstava, Ministarstvo financija i trezora Bosne i Hercegovine daje pozitivno mišljenje na nacrt Zakona o dopunama Zakona o odlikovanjima Bosne i Hercegovine

S poštovanjem,

DOSTAVITI:

- Naslovu
- Sektor za proračun institucija Bosne i Hercegovine
- a/a




19.11.2015

2105
8189



07.03.2011

Broj: 01-02-1-463/15
Sarajevo, 31.07.2015. godine
(MD)



10/06
0308
[Handwritten notes and signatures]

**MINISTARSTVO ODBRANE
SARAJEVO**

Predmet: Mišljenje na Nacrt Zakona o dopunama Zakona o odlikovanjima Bosne i Hercegovine

Ured za zakonodavstvo Savjeta ministara Bosne i Hercegovine, razmotrio je Nacrt Zakona o dopunama Zakona o odlikovanjima Bosne i Hercegovine i na osnovu člana 25. stav 1. Zakona o Savjetu ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni osnov za donošenje predmetnog zakona sadržan je u odredbi člana IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za sprovođenje odluka Predsjedništva ili za vršenje funkcija Parlamentarne skupštine po Ustavu Bosne i Hercegovine.

Kako se navodi u Obrazloženju, u cilju unapređenja sistema nagrađivanja i veće stimulacije za učešće pripadnika Oružanih snaga Bosne i Hercegovine u spašavanju ljudi i dobara sa područja zahvaćenih prirodnom nesrećom, tehničkom ili drugom katastrofom, te pozitivnih ekonomskih efekata, što predstavlja dio zadataka iz misije Oružanih snaga Bosne i Hercegovine, predloženim dopunama Zakona o odlikovanjima Bosne i Hercegovine, uvodi se novo odlikovanje, Orden srebrnog grba Bosne i Hercegovine sa mačevima, koji bi se dodjeljivao licima koja postižu izvanredne rezultati u izvršavanju navedenih zadataka.

Na dostavljeni tekst Zakona o dopunama Zakona o odlikovanjima Bosne i Hercegovine, Ured za zakonodavstvo daje slijedeće sugestije:

- Iznad preambule, riječi: „PARLAMENTARNA SKUPŠTINA BOSNE i HERCEGOVINE“ brisati, kao suvišne.
- Izvršiti pravilno označavanje članova, tj. Član 1., Član 2. i Član 3.
- U članu 1. iza riječi „broj“ brisati dvotačku kao suvišnu, riječi: „u članu 8. iza teksta „Orden Bosne i Hercegovine sa srebrnim vijencem“ dodaje se novi tekst „Orden srebrnog grba Bosne i Hercegovine sa mačevima“ zamjeniti riječima: „u članu 8. iza tačke 7. dodaje se nova tačka 8. koja glasi:
„- Orden srebrnog grba Bosne i Hercegovine sa mačevima“.

05-01-2015

- U članu 2. riječi: „stava (1)“ brisati kao suvišne, te ispred riječi „Orden“ dodati oznaku tačke „7.“.

Uz tekst Nacrta Zakona o dopunama Zakona o odlikovanjima Bosne i Hercegovine, prije upućivanja prema Savjetu ministara Bosne i Hercegovine, potrebno je pribaviti mišljenje Ministarstva pravde i Ministarstva finansija i trezora.

DIREKTOR

Dragan Podinić

[Handwritten signature]



Broj: 03/A-06-2-NH-154-2/16

Sarajevo: 3. februar 2016. godine

BOSNA I HERCEGOVINA
MINISTARSTVO ODBRANEHamdije Kreševljakovića 98
SarajevoBOSNA I HERCEGOVINA
MINISTARSTVO ODBRANE
SARAJEVO

PRIMLJENO: 03.02.2016			
Org. za prijem	Org. za obradu	Redni broj	Broj prijema

Brig. N. Kralj / p. Kralj - HMO!

Predmet: Mišljenje o usklađenosti Prijedloga zakona o dopunama Zakona o odlikovanjima Bosne i Hercegovine sa *acquis-em*

Veza: Vaš akt broj: 10-02-1-392-1/16 od 25. januara 2016. godine

Na osnovu člana 18. Zakona o ministarstvima i drugim organima uprave Bosne i Hercegovine («Službeni glasnik BiH», broj 5/03, 42/03, 26/04, 42/04, 45/06, 88/07, 35/09, 103/09), člana 6. Odluke o Direkciji za evropske integracije («Službeni glasnik BiH», broj 41/03) i Odluke o instrumentima za usklađivanje zakonodavstva BiH s pravnom tečevinom Evropske unije («Službeni glasnik BiH», broj 23/11), Direkcija za evropske integracije daje sljedeće:

MIŠLJENJE

Prijedlogom zakona o dopunama Zakona o odlikovanjima Bosne i Hercegovine predložene su dopune Zakona o odlikovanjima Bosne i Hercegovine («Službeni glasnik BiH», broj 21/03) kojima se propisuje novo odlikovanje i to Orden srebrnog grba Bosne i Hercegovine sa mačevima koji se dodjeljuje vojnim licima iz zemlje za ispoljenu izuzetnu hrabrost i požrtvovanje u pružanju pomoći u prirodnim, tehničkim i drugim katastrofama.

Analizom sekundarnih izvora prava Evropske unije utvrđeno je da materija koja se uređuje Prijedlogom zakona nije regulisana pravno obavezujućim aktima Evropske unije, te u konkretnom slučaju nije moguće dati ocjenu o usklađenosti Prijedloga zakona sa *acquis-em*.

